

吳文節公遺集

卷五十八之六十三



吳文節公遺集卷五十八目錄

公牘

批署廣南府廣南營叅將委員丁牧會稟防堵事

宜並夾單請兵由

批委員丁牧稟防堵情形由

批委員丁牧稟雇練等事由

批委員丁牧稟籌畫防堵由

會撫院札藩司查辦華光寺由

批委員辛守稟查明他郎營新建衙署工程由

札藩司飭查他郎營新建衙署工程由

吳文節公遺集卷五十八目錄



吳文節公遺集卷五十八

男養原謹編

公牘

批署廣南府署廣南營叅將委員丁牧會稟防堵事宜並夾單請兵由

該署府該署將均有守土之責該牧係

奏委專辦防堵之員如果察訪賊勢日張逼我邊界竟非數萬大兵數萬鉅帑不可亦須明白稟請候本部堂酌奪施行何得以賊情莫測邊防事大應如何辦理之處仰求大人作主訓示等空言探試耶果爾則本部堂吳文節公遺集卷五十八

一

雇得十許名千里馬日日來回探信亦自可作主辦理將安用守土之人爲耶又安用委辦防堵之人爲耶至夾單請兵丁牧並不列名尤屬大奇然則請兵非防堵中之事矣丁牧非委辦防堵之人矣有是理乎不過以請兵未知上司之意如何不請兵則惠署將已時時懼股粟難拂其意只好置身事外若不與聞此巧宦伎倆恐難逃本部堂之鑒察也廣南三面界粵隘多路歧若處處密排無隙安得如許兵練亦無如此辦法自以該署府前議探實的信何處有警附近各處歸併一路方能有濟之言爲一定不易之策特前次只調外兵三

百名在境恐不敷策應是以十日前卽與撫部院商酌調撥省標精兵三百名前來協防以資策應業經起程想該署府等尙未接奉行知耳現在所調之兵已溢於所請之數本部堂現仍札飭開化鎮挑選精兵二百名備調並札知該署府遵照如有急需卽移文徑調可也至大小照陽兩關如果實係扼要隘口堅守之卽可保障小鎮安並可保障我廣南一面當此志切同仇又何可存畛域之見特恐歧又有歧小鎮安可保而我廣南不獨三面難倚爲安卽一面亦難保障則不可孟浪從事徒使兵力分而策應遠也此本部堂懸揣之言究竟吳文節公遺集卷五十八

二

如何情形應俟該府等察看會商後繪圖呈核再定再丁牧所云五月初八等日發來之稟全未接著此等緊要文件仍付之鋪遞紆徐爲妍亦豈實心任事之道耶並飭知之仍候撫部院批示繳稟摺存

批委員丁牧稟防堵情形由

據稟均悉隴河墟寨民感激滇師存護之力供應夫馬殊爲可嘉現在許經厯會督粵民將由隴河南通果樂歸順東通魁墟各口塞斷專留小照陽達安德一口並將魁墟池南之竜牙小口經粵民起築石關於近滇之那旺內口亦經粵民壘石成關滇師逐步直前仗粵民

之膽故粵民亦能各鼓其氣許經歷暨趙練頭又分投  
越過龍林安德直抵容勞會哨聲勢壯盛許經歷精強  
勇往實屬可嘉趙練頭亦殊得力查龍林安德容勞已  
在歸順州之西南界上在小鎮廳大照陽關之南界均  
北距滇境甚遠賊勢日遠亦日蹙我師自應回顧根本  
不必前進至防守竜洋關之千總柯鳳藻防守鐵厝關  
之把總李紹盤於十八十九日協同將闖關賊匪先後  
擊斃十數名餘賊追向交趾邊界逃竄尙屬勇敢應將  
柯鳳藻李紹盤先行記功一次又防守上野關之額外  
張鶴齡委巡蔴莞那達等關之把總沙春藻於二十日  
吳文節公遺集 卷五十八 三

巡至滇粵交界地方遇賊百餘人卽伏箐迎擊殺斃賊  
匪十餘名生擒張高五陳有耀二名搜獲偽先鋒印牌  
旗子藤牌刀矛等件尤爲奮勇可取應將張鶴齡沙春  
藻先記大功一次並仰該牧會同劉署守請

令將陳有耀一犯就地正法並張高五首級一同梟示  
仍戮取各關擊斃不知姓名之二十餘賊首級一併在  
各關口懸杆示眾以快人心而寒賊膽至現在除將各  
士練遣回外尙餘練七百餘名已不爲少看此賊勢漸  
衰將來粵省派撥大兵進剿我處與之犄角聲援必可  
迅就蕩平我處練勇自應迴顧本境總須在隴河以內

酌量屯駐既可西面應援各關並可東面兼顧百色西林之突犯也所有軍前效力及增添練勇之處刻下姑且緩議也再所獲之偽先鋒印牌旗子仰卽補行馳呈察核其刀矛藤牌等卽交營用可也又祿崗頻崗岳墟三處皆前圖之所無約與何處相近無從察驗遇便於前圖內補入另行呈閱可也仍候撫部院批示繳

批委員丁牧稟雇練等事由

據稟及另單均已閱悉所有雇練現在挑存五百餘名分隊責成練頭教習甚好其土練中彭紋新一百名遣令歸農羅奇瑜一股暫留在營亦應如所稟辦理至武

吳文節公遺集

卷五十八

四

生儂兆梅所帶土練一百名膽敢掉換疲弱不堪之人告不僅在小總汪元斗志二人先當咎儂兆梅咎亦不僅在儂兆梅先當咎統領各練之委員廣西州知州丁牧何也當隴河喫緊之際儂兆梅畏懼擅回該牧如察其人不妥所帶之練亦無用卽應當時駁回何以含糊收用迨後該牧將各練屢次挑選淘汰不少何以儂兆梅之練並未挑汰如謂派充後隊遂未挑選則派充後隊者不止儂兆梅一股而何以亦加挑汰耶如謂土練總未挑選則羅奇瑜所帶亦土練也而何以汰成八十七名耶且以一人統領之練經練頭掉換全非而茫然

不知可乎此該牧始終失察並未處處實心經理之咎也至現既查出儂兆梅之練掉換老弱充數該牧所以了結此案及責備劉署守之處又全非道理何也練非兵也殊難以軍法論此失之過賞罰無私豈能以情面從寬此失之不及並失之私謂劉署守以如此人而稱挑選精練備用幾誤盡該牧等之事云云當劉署守令儂生備練應用其時不能稱挑備老弱也而用之者是在該牧該牧始既察知儂生非才不卽駁回繼則不加挑選終則任令掉換而茫不加察幾似特陷儂生以貽誤以坐實保儂生者之貽誤私念縈而逆億生逆億左

吳文節公遺集

卷五十八

五

而言論悖此豈公忠辦事有學養者之所出耶然則此案當如何了結當究明此股練一百名於何日掉換係全行掉換抑掉換若干人其口糧是否已經全給截清日期查實人數將所有冒支口糧追儂兆梅繳出以示罰儂兆梅窮人無可追繳卽著落保人不慎之署廣南府知府劉丞統帶失察之委員廣西州知州丁牧各半賠出庶理正而法亦不廢矣卽遵照辦理至賊遠關開亦勢不容已當責成弁兵加意盤查勿令匪徒濶跡其間也又土棍譚秉直等七名係粵省之民本省是否亦有案據當飭寶甯縣研訊錄供通稟察辦又木腊

寨廣西游戶最惡之四五家皆夷民也如須遷徙安插亦當通稟察辦再該牧自五月二十九日共發稟四次除六月初六一稟本部堂係六月十九批發因多係已辦之事交驛馳遞外其五月二十九發來二稟本部堂於六月十三接閱卽於十四日批發並另加函信均交該牧省寓千里馬遞送六月初十一稟本部堂於六月二十五接閱當卽批發交該牧省寓千里馬遞送六月二十四日一稟本部堂於七月初六日接閱初七日批發交該牧省寓千里馬遞送在後各批計日自不能接到只六月十四批發之件計至廿九日發此稟之時應

吳文節公遺集

卷五十八

六

當接到其未到者係該牧處千里馬遲誤之故有何疑懼之處更何至因疑懼而恐有人從中妬害之有此則不值一噓矣試問該牧有何事可如更有何怨何讎致招人之害害卻該牧於人有何好處此真所謂私忿縈而逆億生逆億左而言論悖矣實屬紕繆不通至剝隘等處亦屬緊要現聞粵省西林等處有烟匪千餘欲過滇省此中奸歹溷跡正須嚴防也開化兵一百名已另檄撤回矣仍候撫部院批示繳

批委員丁牧稟籌畫防堵由

閱據稟稱爲滇省全局籌畫爲廣南全局籌畫總須合

粵省之鎮思南太泗五府而熟籌之並籌及粵省水道可謂大言炎炎而不覺語已離宗矣其所鋪敘百色六恃鎮安六要亦有中肯有不中肯且與夾單內所云吾圍之固究屬本謀兵有時當棄本境退守之意大相刺謬豈該牧胷中並無把握不過紙上高睨大談耶抑韜略沈深本部堂不能仰測耶卽如六恃中所云奉議州土田州其官皆健用之可以牽制云云無論用須粵官用之非滇官所能用也且與六要中各土司廢弛已極賊至饋遺求免莫敢誰何之言緊相矛盾况以趙練頭初未爲賊而該牧猶遣屬陰相調察可謂精細顧以投

吳文節公遺集

卷五十八

七

誠未久之謝長腰四之五百練信其可保百色下游六塘列入可恃之中直是矢口而談全不由衷矣閱至稟內黃鵠一舉知天地圓方較勝剝隘之井蛙坎底云云不禁憂駭該牧已流入游士縱橫一派毫無臨事而懼之意不獨忘卻本題防堵二字直不知自命爲何等及叅閱夾單內所云土官勇往謝練頗壯計欲從而因之宜可有功云云乃知該牧誤於貪功之一念不覺舉趾高而卮言出矣大謬大謬至夾單內所云若鎮安再有健守與之合謀而歸鎮一路可全保百色再有健將移陳遊擊與之合力而西林西隆一路可全保等語卽白

稟內所謂南結鎮安府東結粵屬各土州周繞土富州東南剝隘谷腊水路兩口相爲犄角之意是廣南全府防堵事宜已俱在所籌之中而稟尾又云西林一面現在無事請飭劉署守預籌守險之法卑職勢難兼顧云云直不知該牧是何命意本部堂實無從核批總之此時滇省只辦防堵無功可求也雖越隣省邊界籌辦仍爲本省起見卽該牧前次稟內所云處處顧本只可守險待賊不可離險求賊之意最合機宜何此稟之自相悖謬耶稟內又有近復久病四字更屬可憂不知該牧偶爾感冒耶抑積勞而致病耶果因病脅而致此言之吳文節公遺集卷五十八

八

無稽耶究竟病情若何所有廣南府全境防堵事宜是否不至因病貽誤仰該牧卽速速自忖據實飛稟以便會同撫部院酌核委員接辦再自雇練辦防以來均不下七八百名本部堂從未惜費核減茲該牧亦只需練八百名本部堂何至又惜小費土練不奉調守兵不必分該牧言之本部堂信之又何須轉詢陳遊擊耶凡此亦皆支辭也並飭知之仍候撫部院批示繳告示底存歸順陳牧信函已轉呈撫部院閱發

會撫院札

藩

司查辦華光寺由

爲札飭查辦事照得本部堂堂訪聞省城內外有所謂華

光寺不下數十處俗稱某天子廟又稱某天壇某天臺多係近年建蓋愈增愈多大約皆游手無藉之徒串同不法僧道供奉無稽神像詐言禍福煽惑愚民藉端漁利以致士女成羣結隊作會燒香大爲風俗人心之害查添建廟宇本干例禁又例載一切左道異端之術燒香聚眾佯修善事煽惑人心者首犯絞候從犯發回城爲奴又縱合妻女入廟燒香夫男笞四十無夫男坐本婦住持同罪例禁何等森嚴急宜嚴行查辦合亟札飭札到該司即便會同

按察布政

司轉飭雲南府督同昆明縣

查明省城內外大小華光寺共有若干處卽親身督帶吳文節公遺集

卷五十一

九

人役先逐一將所供不經之土木偶像全行砍毀畀諸水火再確切查明所有住持之僧道如有惑眾不法重情立卽拘提究辦將廟宇拆毀或改作社倉義學公所仍嚴究有無游手無藉之徒串通漁利一併照例懲辦倘尙無別項左道惑眾之處卽存其廟宇留其僧道飭令改祀

關帝不准再有華光天壇等名目以黜淫祀而正人心並由該府縣出示嚴禁婦女入廟燒香如違重懲不貸毋稍姑息仍將查辦完竣緣由具報查核毋違特札

批委員辛守查明他郎營新建衙署工程由

查此案前據普洱楊鎮稟轉據撤任游擊常興稟稱游擊衙署應建官廳暖閣及內教場箭亭等項文倅認送銀三百兩託其代修嗣文倅病故分釐未給等語本部堂又飭據署中軍福協查據常興稟稱已將大堂頭二門暖閣攙修並新建內教場箭亭墊用銀一百餘兩係挪用管中公項俟文員領項交還歸欵等語此一節最關緊要有關奏案查辦之件該辛守全未查出究竟常興所指稱官廳暖閣及內教場箭亭等項是否均在原估應修之列如在原估應修之列文倅何以不自修而託常興代修是否常興強欲包修意圖侵肥必須確切

吳文節公遺集

卷五十八

十

查明核辦如不在原估應修之列文倅何以忽認送銀三百兩託常興代修是否常興刁難指修文倅始認送銀耶究竟文倅生前是否實有此說其銀會否致送亦必須確切查明核辦且常興稱已將大堂頭二門暖閣攙修云云攙修者是工已修成特攙補之耳何以甫完之工卽須攙補是否文故倅工程實係草率不堅抑常興藉詞挑斥而因端索詐更須確切查明核辦該辛守模模糊糊查如未查真可謂不曉事者仰雲南布政司會同按察司遵照指詰各層確切查核詳候叅辦如尙有應須覆查之處卽仍飭辛守前往遵批確查毋再模

糊草率致礙難結案至大教場一項常興所稟以田改建及文倅交銀若干伊發給工頭銀若干現交張倅銀若干與現署游擊魁昌所稟及辛守所查情形大略相符應毋庸議不必再查再此案工程文倅於道光三十年冬月報竣常興於咸豐元年冬月報竣皆具文虛報皆不足爲憑現在既有糾葛不清之處應俟澈底查明先歸奏案核辦再由張倅確實分晰造冊報銷無庸急急也更無煩辛守之代催也仍候撫部院批示繳

札藩司飭查他郎營新建衙署工程由

爲札知事照得候補府辛守稟覆查明他郎廳新建游擊衙署各項工程一案本部堂於廿八日已批發該司

吳文節公遺集

卷五十八

十一

會同臬司查辦在案惟批詞中尙有漏略之處合亟補行札知如工程尙有應須覆查之處或並有應須傳證質訊之處該司等卽一面飭委辛守前往確查一面將文故倅家丁及廳書營書弁委經手此事者札提來省傳同常興三面質訊以期水落石出至常興會稟文倅所修兵房俱係響瓦不堪棲止現署游擊魁昌稟亦相同除現在將地勢低潮之兵房十三間由文故倅家丁遷地另建外其餘一百餘間兵房果否實係響瓦不堪棲止抑並不如此或業經改好該司卽另文移行魁游

擊張倅查明會銜具結申稟備核可也切切此札

吳文節公遺集

卷五十八

十一



吳文節公遺集卷五十九目錄

公牘

札永昌府署永昌協勦辦猛崗賊匪由

札永昌府署

永昌  
順雲

協勦賊由

札迤西道確查兵練督率勦賊由

札迤西道督率勦賊由

批迤西道稟辦理猛崗賊匪由

札署順雲協洗平賊營由

札迤西道認真勦賊由

批迤西道稟自請處分並因病請假調理由

吳文節公遺集

卷五十九目錄

一

札署順雲協詳報每日出仗情形由

札順雲協協助永昌兵練勦賊由

札迤西道拏解書辦李義厚由

吳文節公遺集卷五十九

男養原謹編

公牘

札永昌府署永昌協勦辦猛崗賊匪由

爲嚴札督催事照得本部堂本月二十日接閱該府本月初八日發來之稟據稱初七日五更左大雄已將賊匪山嘴之礮臺奪獲則山腰之營盤可以進攻卽賊首所踞之回巢已在吾目中更無礮臺攔截我軍礮火之患賊險已失我軍易於得手揆此情形不過一二日必可掃穴犁庭擒渠獲醜續報捷音亦必跟接飛至乃懸吳文節公遺集卷五十九 一

盼兩日尙未接該府等之續報則是我軍尙未得手豈左大雄忽然養寇自重不思盡力耶抑福署協自暇自逸不肯向前耶或該府以功屆垂成稍萌懈志耶此事全需永昌兵練了結本部堂亦專責成於該府順甯兵練不過協助聲勢使不得更有和之一說梗永昌之兵威而掣其肘耳該府不可不知也合亟札飭札到該府立卽督同左土備乘此一鼓作氣卽日擒馘羣醜蕩平巢穴飛馳稟報翹足以俟捷音速速特札

札永昌府署永昌協勦賊由

順雲

爲嚴札督勦事照得猛崗賊匪已如釜底游魂倘該府

能設法實力進攻必早已勦洗蕩平乃悠忽遷延任命  
左大雄養寇自重反藉口於賊人營牆堅厚我處兵練  
撲攻賊於牆洞施放槍礮我處屢屢受傷賊又伏匿不  
出難於取勝云云幾於一籌莫展坐耗時日經本部堂  
迭次明晰批示並密函致該府指授機宜乃皆置若罔  
聞各耽安逸縱令左大雄取巧偷安以致賊於臘月二  
十七夜偷劫左大雄馬頭田營盤焚燒街場燒斃民人  
多名我處僅僅殺斃一賊二十八日午間賊又率眾直  
撲左大雄青龍山頂營盤二十八日夜間賊又偷劫左  
大雄青龍山營盤毀去柵木似此我不攻賊賊反攻我  
吳文節公遺集 卷五十九 二

我不知乘夜劫營而賊反來劫我之營可見該

府暨左

土備所云賊之營牆甚厚賊又伏匿不出難於取勝等

語皆捏飾之謊也皆偷安不肯盡力之故也合亟札飭

札到該

府

立即督飭左土備迅速進攻刻日將所有惡

賊勦洗淨盡飛馳稟報倘左大雄再有延望不肯上前

之處卽先將其翎頂摘去以示懲儆該

府

倘再不知領

會前示機宜設法督勦偷安延誤致賊氛不能速殄必

嚴行叅懲毋自貽伊戚也稟之愼之勉之特札

札迤西道確查兵練督率勦賊由

爲特發

令箭飛札飭遵事照得猛崗賊巢前據該道函致藩司云已攻破只剩尙營數座無難勦洗云云此前月二十八發來之函也嗣據永昌府稟稱前月底福署協帶同左土備已將耿夏賊巢勦洗蕩平景幅保逃赴猛崗現已跟追前進會同順甯兵練兩路夾攻可期得手等因本部堂正在日盼捷音而屈計爲期已兩旬有餘該道尙無一字報捷不勝疑慮之至昨接永昌府稟乃知順甯府協有創爲招撫投誠之邪說者以致火機貽誤至於如此本部堂直不知創此招撫投誠之邪說是何肺腑夫以屢作不靖之惡賊特緩其攻而故留餘孽一不

吳文節公遺集

卷五十九

三

可解也以奔北踉蹌之餘匪特緩其攻而使之息肩喘氣二不可解也以零星待盡之惡黨特緩其攻而使之招合散亡三不可解也以如蛾赴火之盜首特緩其攻而使之糾匪增營四不可解也處處中賊奸計處處我無勝算此而責以養寇殃民固萬萬無可解免卽律以通盜賣國亦又奚辭該順甯府協之昏庸愚駭識見直出婦孺下已可駭怪而該道竟默無一言不知督責任其曠日持久便賊狡計懈我軍情亦不知是何意見查前據該道稟順甯練無律紀昨據永昌府稟賊有子在順雲協營喫糧當兵恐此中尙有內應之人串通一氣

故作投誠之說緩我兵而助賊勢亦未可知此十餘日來恐已有倒戈反噬傷官戍弁之事亦未可知功敗垂成計誤庸官本部堂焦急忿怒徹夜不能成寐合亟飛札嚴飭爲此札仰該道立卽親赴軍前確查兵練中是否有此等與賊通氣緩兵內應之人查明訊實卽在軍前正法以肅軍紀一面查明何人卽此招撫投誠之邪說何人飭令弁兵練勇不准開仗不准施放槍礮如係該府該協兩人同時起意卽將該府該協兩人頂帶一併摘去倘係該協首先起意卽將該協一人頂帶摘去或係該府首先起意卽將該府一人頂帶摘去一面飛吳文節公遺集卷五十九 四

馳稟聞以便嚴叅重究該道仍卽遵照前批督率該府該協於十日內將所有賊匪勦洗淨盡以稍贖前愆發去

令箭一枝交該道收執總須將渠魁臚縛醜類悉殲方准繳

令軍機捷於呼吸該道慎勿雍容大度一切漫付之庸愚無識之府協致誤事失機有干一併嚴叅也凜切慎切火速飛速特札

札迪西道督率勦賊由

爲札飭事照得昨據永昌府稟順雲府協忽然興出邪

說欲與猛崙賊匪講和招撫本部堂不勝駭愕當經批飭該道督率府協限十日將猛崙賊匪勦洗蕩平不准再有講和招撫之邪說本日已刻復又專弁齎持

令箭飛札嚴飭該道遵辦在案頃又接據永昌府稟順甯府協已將兵練撤退而賊匪則添兵增營佔據要害將附近村寨穀堆全行擄劫屯糧蓄銳負固不服查此案賊匪必須或擒或馘掃蕩無遺方是正辦卽攻擊逃散餘孽未清仍不是了局豈有和之一說斷無撫之一事况現在賊並不和而該道府協自以爲和賊並不受撫而該道府協強名曰撫賊玩該道府協於股掌之上

吳文節公遺集

卷五十九

五

視之如嬰兒乳臭而該道府協亦遂俯首下氣甘爲所愚弄而不知真是全無心肝不復知人間有羞恥事者可恨已極合再札飭爲此札仰該道立卽親赴軍前督率該府協遵限十日將所有匪首匪黨或擒或馘洗蕩無遺以贖前愆倘再執迷不悟畏難苟安仍持講和招撫之邪說致賊勢蔓延難了本部堂必將該府協以失機問擬斬罪將該道問發新疆勿謂言之不預也白簡已儲案頭濡筆以待凜切慎切火速飛速特札

批迤西道稟辦理猛崙賊匪由

昨二十二日酉刻接該道十五日專差發來一稟已纒

批擲還本日午刻始接到該道十一日專差發來之稟先發之稟轉到在後已令人費解其稟內費解處尙多卽如順甯一路現在兵練已撤官已回衙安享全是撒手光景該道正應駐劄翁母堵就近督率兵練毋惑那言奮力與永昌兵練夾攻滅賊方是正辦乃棄置順甯不顧轉紆道移駐永昌督辦此就遠非就近也一不可解也景廷珠景廷瑋景耀山是何等樣人如係正派士舍方將欲得景幅保等而甘心焉何故反代景幅保等乞恩如係賊之一黨卽應立時拘禁勒令交出賊首兇黨及抗拒官兵之人聽候訊辦方是乃順甯府漫然收

吳文節公遺集

卷五十九

六

其空稟而卽許其投誠該道亦漫然據一空稟而卽批准投誠二不可解也且旣欲投誠自當率黨面縛將被脅之人散去繳納器械免罪不免罪聽官府查辦方是乃並不出此而先以空稟懇請免罪准予投誠明係有挾而求尙不能免罪卽不復投誠矣此豈是真心投誠者順甯府愚昧不察信其空言卽約束我兵練不准動手該道亦愚昧不察批准投誠卽約束我兵練不准動手坐誤事機三不可解也况賊旣自稱情愿拆毀營牆哨樓填平濠溝云云乃言而不行不獨不行反添糾匪黨增築營壘明係欺侮流官爲緩兵之計得以收合餘

燼負隅抗拒順甯府愚昧甘爲所欺而不察該道亦愚昧甘爲順甯府所誤而不知四不可解也據稟趙署都司人甚勇往令其回鶴麗任以重職守又稱現在添調弁兵三百名分堵各要隘口等語夫旣添調弁兵正當用人之際轉令勇往者回任看來該道之意亦不愿打仗但不過保守門戶而已是目擊垂斃之豺狼縱逸之使養銳而噬人而自家反鳴鑼支更勿使入室此非與永昌兵練不齊心掣其肘而忌其功卽是有意老師糜餉養癰貽患五不可解也總之此案自兩路攻尅耿夏猛崙以後該道卽節節舛誤層層錯謬真令人百思莫吳文節公遺集

卷五十九

七

得其故此時惟急急遵照本部堂十一月二十日所發兩札事理速速折回翁母堵爲桑榆之補救不可一誤再誤矣至要至要再本日已刻據藩司呈閱該道致伊附啟數紙已悉此等情形正應徑稟本部堂以便批示辦理何以必由藩司轉呈爲探聽口氣之計此等辦事本部堂殊不以爲然卽據該道現函而論函內所稱沿途詢訪年老紳耆云云非也其所聞想皆得之順甯府縣及府縣官役之口耳

官役中頗有與賊通氣者不可不察也

此姑且置

之不論卽所敘土司及賊黨各情形亦有可信有不可信所敘景慶久昏庸貪暴虐夷民虐族目招匪自衛又

短價惱匪以及任用小人害眾並以害己此皆可信著也所敘景幅保等大冤大枉則不可盡信何也兩月前該道會將賊黨告白冤單抄呈其中鋪敘景慶久昏虐之處不少倘伊等實身受有冤枉正可切實敘出爲聲罪致討之由何以略而不言轉曉曉以景慶久係景詳娶回嫠婦數月後所生之子訐爲非景氏骨血以曖昧虛無之說爲聲罪致討之由此其所稱冤枉之未可盡信者也且縱使實有冤枉亦當先向流官處具呈控訴聽候查辦乃並未呈控輒糾眾稱戈擊退土司占踞土署民何辜也而四出焚掠與景慶久相較亦以暴易暴

吳文節公遺集

卷五十九

八

耳此景幅保等之罪一也流官既帶兵練入土境查辦卽當率眾自縛繳械叩頭申訴冤枉聽候查辦乃公然施放槍礮抗拒官兵傷我兵練追勢窮力蹙猶敢以投誠誑詞誑我緩兵俾伊息喘此景幅保等之罪二也有此二罪縱實有冤枉亦不足以蓋其愆况冤枉之尙未可盡信耶將來景慶久不獨不准回任並須辦其餘罪而景幅保等如果就獲其實有冤枉不妨代爲申理其掠民抗官之罪亦不能寬貸並行不悖不得因其冤而遂貫其罪况冤枉之尙未可盡信耶此卽將來善後之大畧也該道不可不知也再景慶久處有明姓土目係

彭守現在所倚爲帶練辦事之人而據該道所詢訪卽係作奸助虐不可姑容之人此亦案中萬緊萬要之關鍵該道不可忽而不察玩而不辦也再此批該道不必發房存之革<sup>華</sup>掖心領而神會之可也仍候撫部院批示繳

札署順雲協洗平賊營由

爲札飭事照得猛崗賊巢前已攻破只剩回營數座永昌兵練又將耿夏賊巢勦洗蕩平賊首景幅保等逃入猛崗回營苟延殘喘署永昌協福副將督同左士備率帶兵練直抵猛崗倘該將督率兵練與永昌兵練約會

吳文節公遺集

卷五十九

九

夾攻該匪等已成釜魚檻獸一仗卽可勦洗無遺大功告蕪當此攻勦喫緊之際不知何人興出講和投誠之邪說大約順甯府嚴守爲首惡而該將附和之遂下令各兵練縮手不放槍礮不准開仗以致賊匪等乘此機會復又招集外匪數百人添築營壘七八座擄掠近寨穀堆無數屯糧蓄銳與我抗拒而該將竟如醉如癡膽敢將兵練全行撤回賊侮弄該將如嬰孩乳臭該將亦甘心爲其所侮而不悔失機誤事厥罪甚重除順甯府現已撤任候叅並札飭迤西道督飭該將刻日進兵會勦外姑再專札嚴飭札到該將立卽督帶弁兵身先士

卒會合永昌兵練限五日內將賊匪舊營新營全行洗平其匪首兇黨或生擒或陣斃不准有一名漏網倘該將猶敢以防堵爲名退回內地畏縮不前本部堂輕則將該將問擬新疆重則坐該將之失機問擬斬罪勿謂言之不預也再該將營中字識兵丁有曾經出入賊營講和與賊熟識者無論人數多少一概拏交順甯縣監禁候訊倘敢護庇不卽交出以致與賊潛通走漏消息我兵不能得手則是該將自己真不要性命本部堂亦萬不能再爲姑息矣凜切慎切火速飛速特札

札迤西道認真勦賊由

吳文節公遺集

卷五十九

十

爲札知事照得本部堂自本月二十日接永昌府稟知順甯一路有講和投誠之邪說失機貽誤功敗垂成卽經迭次嚴批嚴檄飭令該道爲桑榆之補救現據該道亦稱嚴守之非則固已悔而知懼矣特該道必舍順甯而遠駐永昌且令巴署副將退回內地防堵此仍是失機貽誤之算也此斷斷不可者前札已明晰指示此時諒亦悔而易轍矣至細閱該道十一十五兩稟及致藩司之函似該道於景幅保等有原其情而矜之之意有實欲冀其自新之意此大誤也此認題不真也該道無人商量一時識見不到本部堂不得不再剖析明示之

蓋景幅保等之情有不必原者二景幅保等之自新有不能者四景慶久之昏虐不職尙何待言假使景幅保等專與景慶久爲讎則一刀戮死景慶久可也何以占其土署妄欲自爲土司何以將無辜百姓焚掠難堪是其借報讎之名意在焚搶無疑此情之不必原者一也景慶久現已拘禁內地訊辦伊等不能諉爲不知也何以官兵臨境公然拒敵傷兵傷練是非讎景慶久直讎官矣此情之不必原者二也無論景幅保等並非真心投誠假使面縛繳械實實投誠勢不能取而戮之啟殺降之衅其黨羽回匪漢匪多係逆案逸犯勢不能不殺吳文節公遺集

卷五十九

十一

舍首犯而戮從犯又於事理不順此不能者一也既不殺之將卽以之爲土司耶因抗拒官兵而轉得官萬萬無此

國法且人人敢逐鹿之心日尋干戈無暇日矣此不能者二也然則將取灣甸之土地瓜分豆剖各予以養生之資耶則景慶久一造勢必不甘且近支遠族無不可起而爭者欲求一日之安得乎此不能者三也然則將溫語拊循令其各自散去耶試問此一班兇匪散將何歸且將流官伎倆秤透不轉瞬而焚搶更甚不直入內地不止此不能者四也有此四不能卽實在投誠吾不

知該道將何以位置之無從位置吾不知所謂自新者何在而該道猶謂就此結局邊境得以乂安免致釀成軍需云云此真醉語夢囈矣須知此時只有威無從有恩此時係爲邊境除蝨賊非代景慶久洩私忿也該道須認清題目毋錯了念頭毋錯了路徑要要再此時所慮者匪首兇黨不能一一生擒陣斬或有脫逸仍留禍根耳嚴飭帶兵帶練之官弁步步圍攻處處兜捕此則該道所當刻刻在意而不可絲毫鬆勁者也特此加札明知之毋忽

批迤西道稟自請處分並因病請假調理由

吳文節公遺集

卷五十九

三

該道是否應得處分無煩該道自請也現在事已貽誤亦非自請處分之所能塞責也所最不可解者該道不在順甯督辦而反趨赴永昌自蹈鞭長莫及之失試問永昌姚關一路有彭守督率有福署協左土備帶兵練進攻伊等皆力主勦之一說無事該道之董飭也順雲一路巴署協已託詞防堵退回內地嚴守本係庸懦主和之人此時何肯雇練出力正須該道駐劄翁母堵嚴督該府協率帶兵練爲夾攻之計方是正辦乃舍棄不顧是明明大開後門誨盜匪以逃竄之路也譬如人病在腰腳而反向頭目驗視療治有此理乎此非該道之

識見竟迂謬一至於此窺其心大約是避險就夷避難就易冀因人以成事耳此一節較之前次批准投誠獲咎尤重當此事機乖舛該道自問誰執其咎雖病亦惟強起自免耳毋庸藉詞諉卸也本部堂不獨不准該道赴姚關並不准該道在永昌速遵前札星夜兼程折回翁母堵督勦以期稍稍將功補過可也仍候撫部院批示繳

札署順雲協詳報每日出仗情形由

爲飛札嚴飭事照得攻打猛崗賊巢一事該署協前此創爲講和之邪說禁止兵練及各處土練不准開仗以

吳文節公遺集

卷五十九

三

致遷延時日貽誤事機業經兩次嚴札痛飭該署協接到初次札飭會具稟申覆仍多支吾其辭不實不盡又

經嚴行批示其接到二次札飭尙無隻字稟覆茲據池

西道稟稱該署協與福署協意見不合弁兵不能得力

已函請倭署鎮前來督辦等情看來必是福署協意主

速勦該署協仍意在主和可知喪心病狂莫此爲甚臆

大智昏亦莫此爲甚本部堂非疲軟不振不能執法之

督撫也該署協竟敢輕爲嘗試耶合亟札飭札到該署

協卽每日發一稟將是日如何與福署協約會如何與

賊打仗如何劫賊之營殺得賊幾名首級在何處擒得

活賊幾名交與文員何人詳細稟聞或是日因何事未經出仗亦據實稟明並就近逐日移知西道查照不准說謊本部堂現已另派親信委人暗中覘視矣仍將接札遵辦緣由先行稟覆凜切速切特札

札順雲協協助永昌兵練勦賊由

爲飛札嚴飭堵拏事照得本部堂現接永昌府協稟稱十一月十八日永昌兵練又攻克龍塘河口上下街子賊營三座賊匪抗拒傷亡練丁一名現仍設法進攻無如順甯自兵練撤後賊卽分據兵練原紮處所上通錫腊一路賊匪出入往來絕無阻擋以故油鹽食物絡繹吳文節公遺集卷五十九 十四  
接濟等情查該協昏庸撤兵前已飛札嚴飭趕緊帶兵仍行出口進攻該協不獨不遵照出口進攻轉於要口疎防任賊出入膽玩已極該署錫腊汎守備楊逢春前因不能攔截耿馬匪徒業經記過在案乃猶高卧衙齋通賊賣放是真膽包身者現在永昌兵練極力攻勦而順甯一路有意庇賊掣永昌之肘壞

國家之法該將弁均非殺不可姑先札飭札到該協立即將楊逢春摘去頂戴重責四十棍勒令擒賊贖罪罪之能贖不能贖看該弁之肯出力不出力耳該協無勇無恥獲咎甚重非記過之所能蔽辜倘五日內不協助

永昌兵練將猛崗賊營一律蕩平首從匪徒全行擒賊  
或有一名由順甯境內竄逃漏網者必將該協

奏明正法梟示以爲庶賊孽法者戒凜之慎之母悔特

札

札迤西道拏解書辦李義厚由

爲札飭查拏解省究辦事照得本部堂現接永昌府彭  
守稟稱拏獲賊黨楊發一名並據代辦之景廷琚將景  
廷珠送案彭守訊供開摺呈核前來本部堂始恍然知  
講和投誠之邪說皆順甯府書辦李義厚卽李稿公之  
奸謀嚴守或昏而爲其所愚或串謀意在婪贓均未可

吳文節公遺集

卷五十九

五

知合亟札飭札到該道立卽將順甯府書辦李義厚卽

李稿公鎖拏收禁派委委員及誠實幹練家丁差役將

李義厚卽李稿公小心押解來省以憑訊究倘敢以順

甯府書卯冊並無李義厚卽李稿公其人抑或以該書

聞風先逃等謊詞空稟搪塞則是嚴守恐貪情敗露有

意縱之匿之無疑嚴守自問當得何罪該道亦自忖本

部堂肯如此歇手否慎之勉之毋自貽伊戚也再現在

自翁母堵直至猛崗一帶全無一兵一練本部堂迭次

飭令該道督同巴署協帶兵進剿無以防堵爲名退回

內地致誤事機實已穎禿墨枯倘該道猶狃於謬見不

肯遵照致將來賊匪從此一路竄逸是該道益自重其咎也慎之勉之毋貽後悔特札

吳文節公遺集

卷五十九

六

吳文節公遺集卷六十目錄

公牘

批貴東道稟添派委員分辦防堵並管糧臺由

批清江廳詳吳昌文家被竊由

批清江廳詳拏獲行劫吳昌文家盜犯姜老柏等

由

批鎮遠府稟馳赴各寨查拏案犯並大概情形由

批貴陽府詳賊犯韋韋王胖等搶奪得贓拒傷事

主劉聞吉由

批思州府稟遵札嚴拏教會匪徒由

吳文節公遺集卷六十目錄

批台拱廳稟拏獲行劫歐朝珍盜犯甕尾等由

批臬司詳結畢節縣梅石潰等搶奪陳得修等銀

物一案由

批獨山州詳李登彩被劫獲犯由

批獨山州詳拏獲行劫余廷猷家盜犯德烏等由

批黎平府詳龍扶橋家被劫由

批郎岱廳稟覆遵查境內並無教會匪徒等由

批台拱廳詳拏獲疊次搶劫苗匪桑應等由

批永甯州詳韋老五被賊行竊拒傷身死由

吳文節公遺集卷六十

男養原謹編

公牘

批貴東道稟添派委員分辨防堵並管糧臺由

該道本係撫部院上年

奏明專辦防堵之員防堵事宜一日未撤卽該道之責  
一日未卸本部堂前

奏亦經申明貴州原派辦理防堵之貴東道云云非另  
起一頭也茲閱現稟大有退縮推諉之意殊屬非是其  
間之今昔不同者特以不署臬篆則貴陽興義兩府非  
吳文節公遺集 卷六十  
一  
所轄耳本部堂現已另札該二府所有防堵一切事宜  
本係該府等分內應辦之事卽遵照本部堂前檄實心  
實力董率所屬踏實辦理仍聽該道隨時察查調度不  
得以既有

奏委專員遂忘自己職任而卸責於上司亦不得以委  
員非已本屬遂存不聽考察之意云云並札該道知照  
轉行飭遵矣若夫道里遠近今猶昔也上年該道署臬  
篆時亦係駐札古州辦理防堵昔之時無顧彼失此之  
虞今之時忽有此慮無是理也至現在本部堂並未撥  
調一兵飭增一練黔省與粵西交界地方有一地卽有

一營碁布星羅以本營防堵本境勢無不足營員亦無可辭責各有司或有已雇之練勇本爲各保疆圉起見守土之責應然悉仍其舊勿增勿汰如是則絕無糧餉可理又何從委員專管此層尤無庸議其所以特委該道督辦者正爲察查各處文武員弁是否實有戒心果否時時以防堵爲事不敢視爲具文如有敷衍塞責不肯耐勞認真者密稟撤參並某處與某處較近某處有警某處可以策應心營日計隨時就近指揮耳何該道全未悉本部堂之意也儻必另委多員責各有歸該道祇專事下游會督遵辦此自本分之事又何須

吳文節公遺集

卷六十

二

奏明特委耶誤矣失本部堂重加委任之意矣仰卽遵照仍候撫部院批示繳

批清江廳詳吳昌文家被竊由

據詳賊匪持有亮火是明火矣事主畏懼走避是賊見人不畏而人反畏之其爲行強肆劫毫無疑義乃該署倖必欲諱強爲竊惡習深錮至於如此盜風焉能衰息閭閻何由乂安仰貴州按察司先將該署廳記大過五次限半月務將此案賊盜全數速獲究報儻半月不獲卽行嚴揭請參並不准待至劫案疎防限滿紆徐開參也該司其審圖之勿姑息自誤仍錄批報明撫部院並

候批示繳贓冊存

批清江廳詳拏獲行劫吳昌文家盜犯姜老柏等  
由

黔省盜風不熄皆各該有司遇案不能獲犯獲犯不能  
實辦縱盜誨盜以致橫行無忌須知例內雖有法無可  
貸情有可原二層而例內並無案案必須有情有可原  
之犯之明文該有司等故爲婦人之仁該陋幕等又只  
知株守謬種流傳之師法而地方盜風之熾民生之困  
置不顧也可恨已極以後盜案總不准再以把風接贓  
等故套做案就例致縱盜殃民仰貴州按察司速飭嚴  
吳文節公遺集 卷六十 三

緝逸盜吳老陽限半月內務獲提同現犯研訊確供從  
實從重懲辦且此等塗面強劫盜匪尤須嚴刑拷訊追  
問別案如有因傷因病痲斃之犯立即梟首於犯事地  
方示眾庶昭震懾而期斂戢並仰嚴飭知之仍錄批報  
明撫部院並候批示該司仍借案襲敘批詞札飭各府  
州縣丞倅有捕盜之責者一體遵照毋忽繳

批鎮遠府稟馳赴各寨查拏案犯並大概情形由  
該署府平日能講求保甲團練遇事又振奮勇往以故  
旬日之間獲犯幾全可嘉之至各營弁寨頭均能踴躍  
用命亦屬可嘉仰貴州按察司由六百里飛飭該署府

訊明各犯確供立即將傷斃病斃各犯就地戮取首級  
臚竿示眾以彰

國憲而快人心再行開明供摺敘案通稟存案可也毋  
庸另詳其在逃二犯亦飭勒拏務獲訊取生供按法一  
律辦理至拏獲另案積盜十名是否已受格傷未據稟  
及仰卽飭令查案刑訊確供將傷斃各犯分案各就各  
地戮取首級臚竿示眾以儆兇惡仍開明供摺分別敘  
案通稟存案可也此等極惡兇盜毋庸拘文牽義初審  
覆審徒滋延玩而失炯戒不足以整頓盜賊橫行之地  
方也至該署府拏獲粟萬成家盜犯一案係本任應辦  
吳文節公遺集卷六十

卷六十

之事無功可錄然辦理迅速俾兇匪不至兔脫惡黨聞  
而知懼應記大功一次以爲通省觀感並仰該司卽會  
同藩司註冊飭知並由該司抄此稟批通飭合省府廳  
州縣分防佐雜有緝捕之責者一體知照仍錄批報明  
撫部院暨候批示繳

批貴陽府詳賊犯韋韋王胖等搶奪得贓拒傷事

主劉聞吉由

黔省盜風之熾一切竊案搶案未有不拒捕者其事主  
或幸而不死耳蓋其實均係兇盜均非尋常竊搶之案  
而地方有司每強作尋常竊搶之案辦理不過希圖遷

就易了而於弭盜安民之意置不顧也此案賊匪四人如係空手必不拒捕既敢拒捕其必執持兇械無疑特偶未用刃耳辦案者遂以爲此有間可以開脫矣因幻出鐵頭烟袋幻出奪過事主之鐵頭烟袋幾欲坐事主以借寇兵之不是矣此等做案惡習本部堂知之稔矣該府尙係整飭地方留心民事之人何亦墮此惡道耶豈付之陋幕之手而不一過問耶嗣後無論竊案搶案凡係拒捕殺傷事主者均不准有一犯再活仰貴州按察司速飭卽將此案另審另詳核奪勿迴護而核實更正者本部堂並不咎其初詞也仍錄批報明撫部院並吳文節公遺集

卷六十

五

候批示繳

批思州府稟遵札嚴拏教會匪徒由

該府不患無愛民之才特患乏愛民之心耳一切編查保甲訪察會匪緝捕盜賊無論如何施設如何布置總視爲己身應辦之事總視爲官於民所必當盡心而時有心尙未盡之處勿徒作搪塞上司討好上司之計則得矣如此雖不求效而自有效矣仰貴州按察司轉飭知之仍錄批報明撫部院並候批示繳

批台拱廳稟拏獲行劫歐朝珍盜犯甕尾等由

該署廳一經聞案聞得盜匪窩藏所在卽先親身帶人

往捕而後詰事主家履勘辦理已屬得法故辦理亦遂  
得手視庸滯昏惰之員祇知循例辦案不顧盜匪聞而  
齒冷者有上下床之別矣殊屬可嘉仰貴州按察司速  
飭該署廳會同營員多撥兵役將逸盜滿甕等務獲究  
報餘亦照所議辦理仍錄批報明撫部院並候批示繳  
供摺存

批臬司詳結畢節縣梅石潰等搶奪陳得修等銀  
物一案由

此案倚強肆掠情節較重何得率行聲請留養且案案  
輕縱勢必使盜風不可救止釀成粵西樣子該司豈見

吳文節公遺集

卷六十

六

不及此耶仰卽錄批報明撫部院並候批示繳格結附  
詳存

批獨山州詳李登彩被劫獲犯由

一案分作兩案正不知該署州是何用意是何取巧避  
就之法雷阿保乃首先起意糾約吳阿保之人縱第一  
次未經得手而雷阿保仍在吳阿保家屋旁居住豈有  
吳阿保欲往行劫轉遺却雷阿保不糾約之理豈有第  
二次吳阿保方四外糾人既遺却雷阿保復遺却原夥  
潘阿觀潘三不糾之理此不過該署州因盜案難做情  
有可原之人特創此新樣爲積陰隲起見耳卽如詳稱

李登彩家住處偏僻附近並無人戶其必無多狗明矣  
乃詳稱雷阿保初次行竊時因狗多亂叫未能下手已  
屬不確而何以吳阿保等上盜時又絕不聞狗聲也似  
此隨手混謊不覺慌情敗露此豈從實讞案實心爲民  
除暴之官耶仰貴州按察司卽移貴東道立提此案人  
犯由該道親行研審務得實情確供按擬稟報如訊明  
上盜不止此數人所有逸犯姓名卽就近嚴飭該署州  
勒限務獲不准玩縱仍錄批報明撫部院並候批示繳  
批獨山州詳拏獲行劫余廷猷家盜犯德烏等由  
此案恐不止二十三人卽以二十三人論現止獲犯十

吳文節公遺集

卷六十

七

名豈能將就了案黔省盜風猶熾且頑苗糾眾肆劫拒  
傷事主拒斃捕人其漸斷不可長必當全數弋獲加重  
加嚴小懲大戒庶免釀成巨案不可收拾萬不能任聽  
該有司拘文牽義或得半輒止致貽養癰之患仰貴州  
按察司卽移飭該文武將案內逸犯勒限全獲究報如  
敢逾延卽不必俟例限屆滿先行特揭指叅一面飛移  
貴東道就近立提現犯確切訊明如該署州有借人銷  
案並非正盜情事卽另行揭叅如的係正盜卽嚴行拷  
訊有傷斃痕斃者卽逐一戮取首級於犯事地方臚竿  
示眾以遏兇風而重巖疆要要再現犯所供在路逃跑

時前面本有十數個不認識的尋工凱里打扮苗人一同嚇跑等語此必非現犯真供此不止二十三人之明驗也恐係該署州捏供滅盜之謊詞也並移令該道確實追訊另稟察奪不准扶護朦飾切切仍錄批報明撫部院並候批示繳

批黎平府詳龍扶橋家被劫由

查此案暨另詳賴廣意家被劫一案均係六月下旬之事均填寫七月十五日出詳查黎平府九月所發他案詳稟本部堂早經接悉豈獨此二角公文爲沿途驛舖所誤萬無是理其爲淡守諱盜不報經現任胡守查出

吳文節公遺集

卷六十

八

仍用淡守銜名代爲補報倒填月日無疑黔省盜風如此之熾本部堂所以策勵各文武講求捕務者已不啻舌敝唇焦乃黎平府六月二十六二十九四日之中迭出劫案該署府於出案後尙在任半月有餘始行交卸不獨一犯不獲竟膽敢諱匿不報該淡守人本平常當此靖盜喫緊之時知府尙有督屬捕盜之責乃於已任內盜案先行諱匿不捕不報私計交卸在卽可以脫身事外耳且該淡守於已任內盜案則不捕不報而轉於牛皮箐一案謂拏獲舊案鄰封各積盜數十餘名鋪張詳報爲討好見長之地似此狡猾成性巧詐居官果可

勝方面之任耶仰貴州按察司飛札嚴飭淡守遴派幹  
丁懸賞購線馳赴黎平協同現任府胡守所派丁役限  
半個月將龍扶橋賴廣意兩家被劫案內賊盜全數弋  
獲究報稍贖前愆儻限滿無獲必將該淡守以諱盜取  
巧專摺嚴叅該司職任所關當此盜恣官疲求進日退  
萬勿再事顛頂姑息致自貽將來不測之咎也仍錄批  
報明撫部院並候批示繳贖冊存

批郎岱廳稟覆遵查境內並無教會匪徒等由

此等教會匪徒如毒蠱如積蠹每伏於幽暗而不覺一  
發作乃不可收拾該廳慎勿因現在查無此等匪徒遂

吳文節公遺集

卷六十

九

付之大意致相忘於匪孽之滋萌也要至另稟現獲  
各犯務卽分別輕重從嚴懲辦該廳地衝人雜向爲盜  
匪淵藪緝捕爲第一要義不可一刻放鬆者仰貴州按  
察司轉飭知之仍錄批報明撫部院並候批示繳另單  
暨犯名摺存

批台拱廳詳拏獲疊次搶劫苗匪桑應等由

此案半年之久始行詳報已屬大謬而猶種種設法故  
出人罪何耶試問聚眾入室強劫白晝應重於黑夜而  
稱曰搶奪可乎然則將來卽照搶奪科罪耶黔省之盜  
賊別有天地黔省之吏治亦別有天地本部堂實所未

解臨時行強與起意行劫均無解於地方之多盜也不能案係臨時行強遂可爲吏治整飭盜賊稀少裝體面也而必欲如此辦理者不過庸官劣幕持救生不救死之見冀積陰隲而不知救一人害千人百人之大損德也仰貴州按察司飛速嚴飭該署廳另審另詳另辦該署廳遇案顛預惡習令人幾不可耐如再支飾迴護及逸犯不能迅速全獲立即專揭請叅仍錄批報明撫部院並候批示繳

批永甯州詳韋老五被賊行竊拒傷身死由

黔省惡匪動輒拒傷事主身死縱使實係鼠竊亦不當

吳文節公遺集

卷六十

十

以竊賊論致首從罪名懸殊不足以懲兇暴而靖閭閻仰貴州按察司速飭會營多派兵役分頭購線勒限一月內務將此案兇賊真贓全數弋獲照劫盜究辦如玩縱不拏卽將該文武照劫盜疎防開叅仍候撫部院批示繳格結贓冊存

吳文節公遺集卷六十一目錄

公牘

批黃平州詳趙方弟姦所獲姦登時毆戮姦夫王

二身死由

批永甯州詳劉汶玉家被劫獲犯由

批安南縣詳任爲貴家被劫由

批安順府詳周巴子四等行劫勾起奉家得贓拒

傷勾劉氏由

批永從縣詳訪聞縣民陳志和被賊行竊拒傷事

死獲犯訊供由

吳文節公遺集卷六十一目錄

一

批鎮遠縣詳夫頭鄧老三等押送學院損擔行竊

銀物由

批都勻府詳羅老苗糾搶陸潮觀家由

批都勻府詳陸長生等糾劫陸潮謹家得贓由

批郎岱廳詳土目沙應星被搶由

批都勻縣詳廣西民人韋賢等被賊搶奪拒傷事

主周應昌等三人身死由

札臬司嚴訊兇犯周苗三由

批臬司詳黔西州夏得敬家被劫盜犯審擬由

札安順府嚴拏販烟搶烟各犯由

公牘

批黃平州詳趙方弟姦所獲姦登時毆截姦夫王  
二身死由

此案趙方弟於姦所登時毆截姦夫王二身死照例自當勿論而該署州將犯證分別禁保已干濫禁之咎且讞案必核情理據詳詣驗時屍在趙方弟家床上王二被殺係八月初三之事該署州詣驗係八月二十二訪聞以後之事卧室床上非淺埋地寒者可比前八月天

吳文節公遺集

卷六十一

一

氣未涼經二十餘日之久其爲腐臭不堪可知其不能著手相驗可知趙方弟既不棄屍又不報官直待該州訪聞始行赴案縱使因病是何病竟二十餘日卧家日守此腐臭不堪之屍而漠不介意一經該署州訪聞而卽霍然愈蹶然興適然赴案自首天地間有此情理乎種種無情無理其案之實在情形令人百思莫得儻該署州以此等案爲無關緊要任令陋幕劣書混謫混寫並未寓目則其玩視民瘼固無可解免儻該署州自以爲是不顧心之所安以公事不妨任意爲之則是以紕繆不通之人而兼玩視民瘼之心尤關係較重仰貴州

按察司迅速查明此案如果係姦所登時殺死姦夫卽速飭將人證立刻省釋無任羈累一面會同藩司嚴切確查該署州人材若何其公事之荒謬有心無心是否能勝民社飛馳稟覆毋稍顛頂姑容仍錄批報明撫部院並候批示繳格結存

批永甯州詳劉汶玉家破劫獲犯由

此等強劫拒傷事主輪姦婦女之案豈尙有一犯可以緩決者卽實在病故之犯旣倖逃顯戮亦當梟首示眾而該州猶質買憤憤以接賊先走等語活剝陋套具詳可恨已極仰貴州按察司嚴飭將逸犯葉通林徐小三吳文節公遺集卷六十一  
二  
等限半月務獲究報一面查照清江通判詳報吳昌文家被盜一案批詞札飭遵照辦理毋違仍錄批報明撫部院並候批示繳賊冊存

批安南縣詳任爲貴家被劫由

此案前據該縣稟報當經本部堂批司飭緝逸盜務獲從嚴懲辦在案茲據詳前情何以並不認真嚴辦復以把風瞭望畏懼不行等故套入詳聲敘希圖開脫罪名庸官陋幕相習成風令人切齒仰貴州按察司速飭該縣上緊嚴緝逸盜曹老六等務獲提同現犯研訊確供核實改正從嚴擬辦不准以此等陋套做案縱盜黔省

盜風尙熾該司慎勿爲假仁無識之官幕所惑縱暴而轉致害良也仍錄批報明撫部院並候批示繳賊冊存批安順府詳周巴子四等行劫勾起奉家得賊拒傷勾劉氏由

據詳李老二一犯係在外瞭望之人瞭望而曰在外則其反走時必在諸賊之前斷無落後之理卽此一犯之供不確其爲諸盜概行入室無疑黔省當此盜風旋辦旋熾之際若猶拘文牽義做案活賊豈非揚湯而止沸耶嗣後凡此等劫殺重案不准再有瞭望接賊等名目故意縱盜殃民如該府必欲做案就例則其所獲之盜吳文節公遺集卷六十一  
三  
必非正盜不過借人銷案以故心虛不敢切實辦理應先以妄拏無辜刑逼教供効叅否則何苦必欲縱盜殃民耶仰貴州按察司由六百里飛飭該府會同營員多派兵役上緊嚴緝逸盜周老三等全數速獲提回現犯刑訊得確切實供各犯有傷斃痕斃者是其生已倖逃顯戮卽從重戮取首級臚竿示眾以爲盜賊橫行之地方儆仍速卽錄批報明撫部院並候批示繳

批永從縣詳訪聞縣民陳志和被賊行竊拒傷身死獲犯訊供由

此案已閱半年之久自係事主已報而該縣諱匿未報

因現已獲犯始行補報既往之咎姑勿深究乃猶欲開脫從犯又做成獲犯過半兼獲首犯樣子試問該縣既勘係荒僻山區並無隣佑尙何瞭望接贓之有葫蘆舊樣顧前不能顧後積習如此種種令人可恨仰貴州按察司速飭選差嚴緝逸盜魯老滌等務獲提回現犯再行研訊如何起意糾夥強劫入室搜贓拒殺事主並傷捕人究明同夥實有若干此外有無竊劫別案及知情容留分贓之人務得確供按擬招報毋得捏造供詞從輕開脫有干叅究仍候撫部院批示繳格結贓冊存

批鎮遠縣詳夫頭鄧老三等押送學院損擔行竊

吳文節公遺集

卷六十一

四

銀物由

此案鄧老三充當夫頭押送學院損擔敢糾夥行竊較之腳夫夥竊商民情節尤重贓卽未至五百兩將來秋審亦應入實而該縣必任聽陋幕劣書從輕短估爲四百九十餘兩既不核實亦屬無謂皆錮習也殊堪痛恨仰貴州按察司速飭該縣再行悉心研審如何起意糾竊損箱同夥實有幾人曹三等是否並不知情此外有無窩夥竊劫別案及知情容留分贓之人務得確情按擬招報仍候撫部院批示繳

批都勻府詳羅老苗糾搶陸潮觀家由

律註云人少而無兇器搶奪也人多而有兇器強劫也  
條例云白晝爲搶夜間爲竊盜搶與劫判畀甚微而搶  
與劫罪名大異此案首夥五人三人爲眾至五人不得  
云少矣時已下晚應關門時特尙未關耳不得云白晝  
矣卽無兇器已是強劫情形况所訊都是空手一語亦  
誑供而不足憑耶黔省盜風易熾而庸官猶遇案思化  
矜婦人之仁不異庇盜以殃民如是而欲求盜風之熄  
直却行而求前也仰貴州按察司立速嚴飭另行研審  
如何起意強劫得贓此外有無窩夥竊劫別案務得確  
情據實按擬另詳核辦並錄批報明撫部院仍候批示  
吳文節公遺集 卷六十一 五

繳贓冊存

批都勻府詳陸長生等糾劫陸潮謹家得贓由

此案前據該府稟報當經批司轉飭嚴捕痛懲在案茲  
於詳內聲敘接贓瞭望及畏懼不行等語必係所拏皆  
非案內正盜不過借人銷案不便致之於死故作此曲  
筆開脫耳仰貴州按察司嚴行申斥並飭會營多派兵  
役上緊嚴緝此案正盜及逸犯王割耳等遵照前批務  
於十日內弋獲研訊確切真供另行通詳從重擬辦所  
有已被兵役格斃之劉大漏等三犯卽於犯事地方梟  
首示眾毋違仍錄批報明撫部院並候批示繳贓冊格

結存

批郎岱廳詳土目沙應星被搶由

賊匪八九人入室強劫用刀械拒傷事主三人情節甚重迄今將及兩月始行詳報聲明屆限無獲照例詳參該同知玩視捕務以爲屆限無獲一參卽可了事所敘傍晚喊搶等字樣意欲規避黑夜強劫以爲將來開脫地步一味捏飾懈弛積習深錮可恨已極仰貴州按察司嚴行申斥速飭該同知會營多派兵役上緊跟蹤嚴緝限半月內將此案正盜真贓全數弋獲從重懲辦儻再玩延卽由司詳撤請參不必俟例限屆滿始行開報吳文節公遺集卷六十一

六

也仍候撫部院批示繳贓冊存

批都勻縣詳廣西民人韋賢等被賊搶奪拒傷事主周應昌等三人身死由

查此案事主與腳夫已有六人盜犯僅止七人而臨時蔡小冬李九二犯又已害怕先跑上盜時僅止五人何致將事主及腳夫拒斃三命其必不止七人明矣姑以七人論該縣旣先將蔡小冬李九二人做成不知拒捕情事案未得財將來卽問擬不應重杖罪矣又將致死事主三命均做在李老松王士詳二人身上並將刃傷亦均做在此二人身上其王坤玉王洪汶宋大嘴三犯

不過木棍石傷將來卽照幫毆傷非金刃又非折傷發  
四省充軍矣如此一班兇盜事主已死三人僅以兩盜  
擬抵餘皆輕輕縱脫有此王法乎有此天理乎黔省盜  
風愈出愈奇有司等治盜亦愈出愈奇如此而尙冀弭  
盜安良有此事理乎仰貴州按察司先將都勻縣高令  
記大過十次會同藩司註冊一面飛移貴東道立卽親  
提此案人犯嚴加刑訊將致死事主之犯迅速於犯事  
地方梟首示眾其動手幫拒之犯縱使真係木石他物  
當卽以木石斃之亦卽於犯事地方梟示至蔡小冬李  
九二犯原訊定不確切縱使罪不至死當卽以四十斤  
吳文節公遺集 卷六十一 七

重枷於犯事地方枷號示眾無疎枷限期迅速遵照辦  
理通稟存案儻訊明所獲各犯有並非真盜或並非此  
案之盜高令有借盜銷案規避處分私心因而不敢重  
辦亦卽迅速據實揭叅旣不准輕縱真盜亦不准妄殺  
無辜該道辦事素稱結實可靠萬勿蹈遷就積習計欲  
護官姑且倖盜也一併知之稟之仍速卽錄批報明撫  
部院並候批示繳

札臬司嚴訊兇匪周苗三由

爲札查迅辦事照得興義府白泥田之兇匪周苗三一  
犯稔惡稽誅歷有年所經本部堂嚴飭興義府張守屢

次親往查拏始幸而就獲迄今爲日已久未據該司詳辦正深詫盼頃聞該犯久已解省經貴陽府獄局查訊謂現無犯事舊案係屬無罪之人欲發回查辦本部堂不勝髮指心悸查周苗三係前此聚眾圍殺李姓張姓二家八命案內首犯當時地方官因案重犯逃規避處分將周苗三抹匿而以監斃之唐狗狗作爲首犯了案轉以周苗三作爲阿計營移屍案內首犯遇

赦免緝了事蓋黔省吏治廢弛止知護官而不知愛民遇案消弭不顧長奸縱惡且若預爲逃匪開脫地步以故官益惰而盜益橫盜益橫而民益困矣該貴陽府等

吳文節公遺集

卷六十一

八

不鑒前車務隨覆轍是誠何心哉且周苗三一犯作惡多端雖舊卷內將重大罪名之案強分兩起代爲洗脫現尙有劉倡保家搶案該犯亦罪不容誅何至無可辦而待發回耶况此等匪犯縱使舊卷內一無可辦尙有現供可取亦可憑供定讞假使茹刑不吐跪鎖躡捩夾棍等刑正爲若輩設也何以不動刑並不熬審遽挾持從前謊捏之虛文顧預諉卸自謂老吏斷獄不恤養癰貽患本部堂實不敢違心曲徇致貽誤地方矣合亟札飭爲此札仰該司立即督飭貴陽府等將周苗三等嚴刑拷訊務將舊案內不實不盡之惡無案處日積日多

之兇蹟一一究出錄取切供儻情罪重大決不待時卽稟請撫部院請令正法梟示以昭炯戒如該府等便文自營好行其德該司亦復扶徇遷就無如周苗三何仰卽派委員弁將該犯押解來滇候本部堂親提究辦並仰將承審各員銜名一併開陳以憑審訊明確一面將該犯正法一面將承審官摺叅恐該司亦難辭督審不力之咎也火速飛速特札

批臬司詳黔西州夏得敬家被劫盜犯審擬由

夏得敬家婦女已經逃避幼子方哭竄之不暇乃敢出而罵賊致被擲入火中燒斃殊非情理此必當審正者

吳文節公遺集

卷六十一

九

也至現在所訊各情亦非信讞如此窮檐小戶每月夕尙思惜油不燈乃夜靜人卧屋內尙點有燈亮有此理乎事主僅草屋三間門外卽路非比重門邃宇必得接賊之人始易於往來搬運也且又無鄰佑不慮外人應援不必爲得賊先遁之地也乃上盜七人轉使四人在外間適接賊有此理乎其遣火延燒一節爲向來做案之陋套更不待言矣大約庸陋官幕見此案贓物甚微故堅定不欲令盜犯駢誅耳該司亦爲所惑而不察耳試一代想事主家之幼子慘死家室蕩然其慘傷至於此極者皆此一班兇盜爲之也此一班殺人放火之兇

盜必爲之委曲求全盜固不感恩天亦未必降祥也本部堂遠駐隔省刑名本非專責何苦爲此痛心苦口之言致嫌越俎特以黔省盜風如此之熾吏治如此之疲閭閻莫獲又安漸恐釀成巨案則本部堂與有責焉且戢盜安民欽奉

嚴旨責成不敢視同膜外貪懶省心也此案旣招解撫部院衙門仰候錄批移咨撫部院聽候察核提審分別具

題繳

札安順府嚴拏販烟搶烟各犯由

吳文節公遺集

卷六十一

十

爲嚴拏審辦事照得本部堂訪聞本月十一日該府縣地方有大夥烟販百數十人執持槍礮刀矛過境搶烟之犯亦百數十人彼此互鬪當經該縣營拏獲烟泥數十挑匪犯三五名均非正犯首兇查黔省盜匪業已縱橫無忌而此等販烟搶烟之犯倚恃人眾勢兇互鬪互殺彼此均不敢報官地方官旣規避處分又懶於辦案樂得因其不報官亦遂置之不問甚有目擊烟犯成羣結隊槍刀林立目擊搶犯糾眾持械殺人如麻漠然不以介意趨而避之者以此兇匪心目中不復有官日益熾煽若再不加禁戢此等皆亡命兇徒今日之烟犯搶

犯卽異日之流寇也可不戒哉此案該縣等能獲賊獲  
犯尙屬可取惟逸犯太多首要未獲急宜密速偵捕嚴  
刑痛懲合亟札飭札到該府立卽督同普定縣會營將  
販烟搶烟各逸犯全數弋獲究報如該匪等膽敢拒捕  
卽照例格殺可也該府並飭普定縣卽將現獲之犯先  
行錄供稟奪仍將奉札遵辦緣由一併稟覆飛速火速  
特札

吳文節公遺集

卷六十一

十一

吳文節公遺集卷六十二目錄

公牘

批都勻縣詳搶犯病故由

批委員黃平州會稟緝獲革夷苗匪浪禾等犯由

批普安廳詳黃正明家被竊由

批水城廳神苗盧阿滿等呈控書差賄弊由

札興義府捕拏匪犯由

批貴東道稟荔波廳拏獲廣馬十餘人研訊由

批都勻府稟親查荔波團練設卡情形由

批荔波縣稟偵探粵西賊匪情形由

吳文節公遺集

卷六十二目錄

批貴東道稟激練防堵由

批興義府稟籌辦堅壁清野由

批貴東道稟稟

批興義府稟稟

批水城廳詳

批普安廳詳

批委員黃平州會稟

批水城廳詳

公牘

吳文節公遺集卷六十二目錄

公牘

批都勻縣詳搶犯病故由

此案該縣初報本未核實王坤玉原係下手致死事主之犯該縣故以持棒幫毆敘詳預爲問擬軍罪地步耳今旣倖逃顯戮應卽戮取首級梟示仰貴州按察司先飭知之至現詳聲敘照糧船水手例爲從幫毆傷非金刃又非折傷者應擬絞候等語殊令人費解查例載執持器械倚強肆掠兇暴眾著者照糧船水手例分別首

吳文節公遺集

卷六十二

一

從定擬糧船水手十人以上執持器械照強盜治罪強盜殺人不分會否得財斬決梟示夥盜中殺死人命者及拒捕慘殺事主雖不動手而在旁目擊助勢者亦均問擬斬決法所難宥此強盜之例也遍檢並無爲從幫毆傷非金刃又非折傷問擬絞候之條不知該縣所引是何律例况糧船水手之例首犯照強盜治罪從犯應減一等與此案殺死事主多人自有搶奪殺人本例可援者格不相入何事題外尋題耶至搶奪殺人例內有幫毆刃傷及折傷以上者問擬絞候之文該縣旣欲照糧船水手搶奪之例照強盜治罪卽不得復引搶奪殺

人之例騎牆定擬况該縣初報已將王坤玉做成持棒幫毆傷痕驗僅紫紅色卽應照傷非金刃又非折傷者發四省充軍矣亦與絞候之例不符種種悖謬實屬昏庸已極大抵該縣始意欲救生不救死是以將殺死事主三命之案僅以二人擬抵及奉批斥急思改重又思迴護原詳故思照糧船水手辦理而不知糧船水手十人以上之案應照盜案定擬盜案從無絞候罪名該縣於犯供案情既胡謫混做於律義例條又貿然虛造此等有司欲望其敢匪安良整頓地方能乎不能乎並仰該司卽會同布政司迅速嚴察核議稟奪毋稍姑息貽吳文節公遺集卷六十二

二

誤也再該縣止有長詳並無書冊本部堂無從備案此又其昏惰之小焉者也亦飭卽補送備案勿忘仍速錄批報明撫部院並候批示繳

批委員黃平州會稟緝獲革夷苗匪浪禾等犯由上年有高禾等百數十人在鎮遠河內黔楚交界地方打劫徐守豐玉船上賊物現在該犯等均已回巢安享何該署州不一查拏耶豈以查無報案遂可藉口偷安耶仰貴州按察司卽飭該州會同委員務將高禾等首從各犯偵捕獲案無論有無報案均須將打劫徐守一案究出實供逐一駢誅梟示至現獲各犯亦卽嚴切刑

訊從重擬辦不准以並未夥同搶劫等詞代爲做供化  
案試觀浪禾之問擬遣罪越獄脫逃怙惡不悛皆從前  
不肯據實辦案之流毒也覆轍如斯可不戒哉再該署  
州鄭令人甚平常觀於現稟所稱革匪自上年圍擊之  
後未見形跡一語該州終日高坐衙齋飲酒賦詩革匪  
走不到該州大堂上來何能見其形跡此一不可靠也  
又稱六月到任卽設法跟緝何以直至冬月始獲得一  
若有若無之蕩妹三一犯此二不可靠也看來此等官  
不過眼光注在上司身上隨意就事搪塞搪塞欲其實  
心任事真知弭盜安民萬不可得黃平境內苗匪爲腹  
心之患該司速卽會同藩司審酌遴員接署或卽將已  
調之周牧飭令赴任認真整頓庶地方不至貽誤其鄭  
令應如何叅辦之處另行詳奪可也仍錄批報明撫部  
院並候批示繳

批普安廳詳黃正明家被竊由

查一百四十千銅錢已有一千餘斤之重又有棉被十  
床係笨重之物其餘零星衣物斤兩雖不甚重而物夥  
件瑣亦非十手所能攜跑此而謂上盜僅止五人天地  
間有此情理乎該署廳隨意捏飾不覺謊情敗露不獨  
此一節是謊卽詳稱事主四月間被竊未報十月間經

該署廳訪聞詣勘驗係擺洞鼠竊洞已修固又十一月  
事主始赴案補報等語皆係謊也大約事主老者老而  
壯者急欲外貿報案後未據呈催亦未據上控該署廳  
早已有心諱匿付之不辦忽於十二月不曉事之差役  
獲得二犯藏匿不了又不敢將實情報出致蹈諱匿遲  
延之咎無可如何遂求救於劣幕捏出訪聞捏出補報  
捏出擺洞鼠竊捏出盜止五人四人空手等謊以爲事  
主老實可以化案做案爲所欲爲而不料其詞之遁而  
窮也蓋此案實強劫也黔省盜風之熾皆若輩不肖有  
司化案做案之所致也令人髮指昔裂仰貴州按察司  
吳文節公遺集

卷六十二

四

卽飛速移知貴西道提案親審一面會同布政司立將  
該署廳撤任詳請嚴叅並遴員委署卽責成接署之員  
嚴拏逸盜解道訊辦毋稍刻延仍錄批報明撫部院並  
候批示繳

批水城廳狎苗盧阿滿等呈控書差賄弊由

此案前據水城廳詳報姬汝貞夥同趙庭貞憑空攔路  
拷磕祿本志銀兩牛馬多贓將祿本志身毆多傷祿本  
志受傷後越日患病身死本部堂正以姬汝貞等情兇  
勢惡祿本志恐是死由於傷非死於病該廳有消弭縱  
兇情事批飭貴州按察司提省訊辦在案茲據該苗民

盧阿滿等將祿本志之名抹匿幻出陸俊陸榮二名改祿字爲陸字以磕贓爲賠項謂與姬汝貞無干不敢誣扳並請提究原控燒殺之案等情究竟陸俊等因何豐由燒殺殺死何人被燒共有幾家該民等既請提究自係切己之事呈內轉略而不詳反將姬汝貞如何被誣該廳書差如何賄弊抽卷曉曉代訴已覺遁詞知窮同日又據姬汝貞之妻姬安氏亦控稱該廳以賠項爲磕贓伊夫遭讐弊屈等語呈訴其呈內不能不將祿本志之名逗出因亦改祿爲陸改志爲智又不能竟將姬汝貞作爲事外無辜之人因幻出過銀和息一層種種講

吳文節公遺集

卷六十二

五

張兩呈若互相印證又若各訴各情令人不解是一是二故滋炫惑而其意總不過爲姬汝貞辯脫罪名此黔省訟棍之慣伎也看來盧阿滿等均係姬汝貞一黨均係拷磕分肥之人姬汝貞犯罪獲案指使盧阿滿等捏出燒殺賠贖一案冀圖影射搪抵或盧阿滿等本有與陸姓控告燒殺另案姬汝貞指使牽入此案捏出賠項一節以爲化贓地步均未可知卽現在姬安氏之呈亦係姬汝貞所爲非眞姬安氏之自爲之也黔省苗漢棍徒磕詐之風急宜痛加懲治而訟棍包詞刁健糾纏不休尤須嚴拏嚴辦仰貴州按察司查照該廳歷次詳批

立即委員守提全案人證卷宗至省委員確切研審務須水落石出分別按擬嚴懲並究追訟棍一併拘拏究辦現在赴轅遞呈之盧阿滿及姬安氏另呈之抱告吳貴一併押發昆明縣遞解黔臬司衙門收審詞及粘抄並姬安氏另呈一紙並發審辦仍繳

札興義府捕拏匪犯由

爲嚴札飭拏事照得前據該府稟稱據興義縣稟稱寶甯縣差役藉拏犯爲名攜帶槍礮越境滋擾沿村磕詐搶掠民苗驚避幸經出示撫慰未致釀成巨案等因到本部堂當經飛札署廣南府知府鎖提該差役等嚴訊

吳文節公遺集

卷六十二

六

痛懲加等治罪在案查差役藉拏犯而磕詐爲害閭閻無論在本境鄰境均必應痛加懲辦而地方官諱盜懈捕隱貽禍患則所關尤鉅溯查廣西省數年以前卽係粉飾姑息上下相朦致釀成此燎原之禍不肖有司之貽誤其肉尙足食乎黔省風習亦頗近之地方官總以不拏賊遂可不辦案不辦案則上之可託言休養元氣下之亦可冒稱轄境肅清而上司亦遂以某處無案某有司可爲賢員上下相市以文該有司等不獨不知曲突徙薪並焦頭爛額而亦不爲本部堂蒞任以來時切隱憂其申誠各屬者亦不啻舌敝脣焦當此鄰省會垣

告警賊焰方張黔中處處可危防堵尙可一息懈弛乎所謂防堵者禦外侮先須清內奸防勾結也此時尙可萌一念之諱匿任一端之大意耶卽如此案寶甯縣差役在興義縣妄拏滋擾磕詐搶掠此風何可不懲該興義縣稟報究辦所見甚是第一面稟辦蠹役卽應一面偵捕盜匪乃據稟稱適有命案欲赴相驗不克分身前往竟以捕盜之事委之巡檢其實自二月十六至今該縣並未出有一起命案也此不過託詞偷安耳且其心先存一我境內並未報有搶劫之案何嘗有賊何必拏賊亦何苦拏賊其心不獨謂寶甯縣喜事邀功縱差擾

吳文節公遺集

卷六十二

七

累實屬不堪並謂本部堂輕聽浮言徒形多事而賊匪之潛滋暗伏於地方者初不暇顧也此非本部堂之深文周內也觀於該縣稟內毅然謂王幅實未藏匿卑縣地方一語可以知其心矣其稟尾所云匪犯王幅無論逃匿何處仍飭役嚴密偵緝不敢藉此疎懈等語特了門面官樣文字耳現在本部堂提訊廣南府拏解各犯有農卜扭一犯供出王幅並夥黨數人藏匿貴州境內情形歷歷不爽合亟抄供札飭查拏此供係本部堂自己手抄非寶甯縣蠹差之妄稟亦非寶甯縣之妄稟現在本部堂已嚴禁寶甯縣不准濫派差役越境拏人並

將該縣失察差役滋擾之處先記大過五次而匪犯王幅及其夥黨數人不能不責成該府該縣拏交不問如何拏法不限時日亦不准太遲總須將王幅及有名夥黨拏解本部堂衙門訊辦並不得以拒捕格斃歸之虛無縲緲架空了案也儻該興義縣仍敢固執已見仍以境內無賊不肯設法偵捕自耽安逸貽患無窮本部堂惟有專摺指叅而已勿悔該府仍將奉札遵辦緣由先行稟覆火速飛速特札

批貴東道稟荔波廳拏獲廣馬十餘人研訊由

現據都勻府稟報前後拏獲滕大五林新發等二十六

吳文節公遺集

卷六十二

八

犯仰卽督同該府縣研訊明確如果差練兵丁等並無妄拏無辜報功要賞情事以上各犯實係從粵西賊中逃來卽無論在粵西作惡次數現在來黔作何勾當立卽綁赴市曹駢以誅之梟首界牌地方懸竿示眾一面開具供摺通稟備案當此賊氛肆熾之時此等案犯斷無首從可分亦斷無罪名輕重可分更無初審覆審之常例可循要至各犯中如有供出來黔所欲勾結之姓名住址亦卽跟蹤追拏勿稍延誤仍錄批報明撫部院並移知藩臬兩司知照此繳

批都勻府稟親查荔波團練設卡情形由

荔波有邱貢生籌辦多時似稍嚴密該府自轄地面及  
獨山州轄境每處僅設四卡遂足資守禦耶看來該府  
仍不過是敷衍門面搪塞上司耳身既未周歷心亦未  
籌計也此時該道既駐荔波查辦該府正應分身周巡  
自轄地面並馳赴獨山查照會札頒發議說事理目營  
心計口講手畫趕緊籌辦繪圖貼說稟報察奪毋徒以  
一紙空稟開幾箇卡名遂可掩飾上司耳目謂可告無  
過也設有疎虞該府自問能諉咎否仰貴東道速飭凜  
之勉之毋忽仍錄批報明撫部院並候批示暨抄批移  
藩臬兩司知照此錄

吳文節公遺集

卷六十二

九

批荔波縣稟偵探粵西賊匪情形由

據稟前半所得宜山縣函稱云云皆不的確皆係廣西  
省地方官慣說吉祥話朦飾誤事之錮習也不可輕聽  
後半所探慶遠府賊匪情形當是實事邱貢生雖頗得  
力然尙須該縣相與以有成也如何助其力之所不及  
補其見之所不逮遵照本部堂會札頒發議說事理神  
明變通務期切實周妥時時勞身勞心當機立斷須知  
天下總無一勞永逸之事也仰貴東道轉飭知之並錄  
批報明撫部院仍候批示暨抄批移藩臬兩司知照此

繳

批貴東道稟激練防堵由

凡未事張皇欲調兵之人必係臨事望見賊影卽奔逃之人以胸無主意不過做面子而已知之至邱貢生團練得力殊屬可嘉仰卽將封去白頂一箇先行賞給戴之仍飭令荔波縣督同該生查照本部堂會札頒發議說事理因地制宜相機趕緊籌辦稟報察奪此繳探報存

批興義府稟籌辦堅壁清野由

該府所屬興義縣最爲緊要卽捧鉢巡檢之事亦正須該縣實心實力代爲料理乃該縣胡令一切置之不問吳文節公遺集

卷六十二

十

倔强安肆託言與民休息地方安靜其實則事前惟知諱疾忌醫必致事來祇有倉皇告急竟似甘蹈廣西省朦朧貽誤覆轍本部堂實不勝惴惴卽如築堡齊團各事宜必以編查保甲爲下手處卽以編查保甲爲歸宿處縱令築堡齊團有待變通而保甲則無可藉諉無可姑待也假使該府縣真知保甲之當行真以保甲爲已任本部堂前飭查拏王幅一案其是否藏匿在境可以瞭然於目毅然於口何以兩月有餘絕無一字稟覆是其視保甲爲迂談不肯力行其設心已概可見矣本部堂詳閱該府現稟其於府轄地面各情形亦祇是鋪陳

大意紙上空談並未見有一事近已著裏切實舉行者而於保甲一層則付之漠然而已而於興義縣所轄地面情形及如何辦理之處則付之不關已事而已本部堂反復閱之實有食不下咽者事急矣永安會匪已棄粵入楚陷道州攻東安擾甯遠如入無人之境勢將浮湘直下莫知所底會匪日張一日則土匪日甚一日不獨粵省爲然卽黔中頑苗劇盜游民其不窺伺而蠢蠢欲動者幾希矣於此而該府縣猶可漫視爲現在地方安靜耶猶可視保甲爲迂圖耶猶可謂築堡齊團爲滋擾不思祛其弊以擷其精耶仰卽飛速將府轄地面目

吳文節公遺集

卷六十二

十一

擊心營口講手畫如何築堡齊團如何變通之爲聯村併寨如何編查保甲如何抽丁預練如何勸捐集費逐一立定章程切實舉行既行後再開摺馳稟察奪一面卽嚴督興義縣遵照趕緊辦理並由該府察看該胡令如果才不能辦或心不肯辦卽飛速密稟本部堂撫部院暨藩臬兩司以便立卽撤叅遴員往署萬勿稍事遷就致有貽誤要事急矣儻該府縣視本部堂之諄諄爲不過老生常談粉飾因循不能盡官方固民志清內匪囂外侮萬一匪徒竊發致閭閻小蹂躪而大剽戮彼時本部堂斷不能以猝不及防眾寡不敵等謾詞爲該

府縣寬解也嚴登白簡亦不得怨本部堂言之不預矣  
慎之勉之至貞豐州冊亨州同地方亦間有邊界其普  
安安南所轄俱屬腹地或急急以編查保甲爲重而築  
堡齊團之事姑作後圖亦無不可總須該府酌量情形  
董率辦理不得以奉文一行爲了事也並知之仍候撫  
部院批示繳

吳文節公遺集

卷六十二

十一

吳文節公遺集卷六十三目錄

公牘

批威甯州詳錢熊氏家被劫獲犯由

批威甯州詳錢熊氏家被竊獲犯由

批鎮遠府稟查辦流匪及汎弁楊錫鼃捕賊被戕

等情由

批鎮遠鎮稟賊匪拒捕傷斃官兵親往督辦等情

由

批鎮遠鎮稟親往追賊及回署日期嚴督捕拏等

情由

吳文節公遺集卷六十三目錄

一

批鎮遠府稟查探賊匪逃逸情形會商兜捕由

批綏陽縣詳縣差祝玉潰向張潮梁索詐得贓由

批郎岱廳詳謝添恩家被乞丐七人強討不遂擄

去銀物由

批銅仁縣詳田老三故殺舒倫來身死由

批羅斛州判詳殷興仁被周老喜等戳傷身死由

批羅斛州判詳周老喜挾讎糾同田老宗等將殷

興仁銃傷被周長受砍傷身死由

札貴西道提訊羅添明控案由

批麻陽縣張吳氏呈

批麻陽縣張希理呈

吳文節公遺集

卷六十三目錄

三



批麻陽縣張希理呈

吳文節公遺集卷六十三

男養原謹編

公牘

批威甯州詳錢熊氏家被劫獲犯由

黔省盜劫之案迭經嚴飭不准做案此案現又做成獲犯及半兼獲首犯樣子且王直手桿亦必係夥盜特意做成事後分贓既可開脫官之獲犯尙未及半處分又可開脫一人死罪任意消弭殊堪痛恨仰貴州按察司會同布政司將該朱牧記大過二次註冊並將該犯金老天醫痊一面責成現署牧嚴拏逸盜獮保等務獲提吳文節公遺集卷六十三

一

同現犯嚴審夥黨共有若干人王直手桿如何上盜分贓逐一究出確情據實究辦不准迴護支飾致干一併嚴叅仍錄批報明撫部院並候批示繳贓冊存

批威甯州詳錢熊氏家被竊獲犯由

五月二十九日已刻接到威甯州詳報劫案一起當經本部堂察核其中情節殊多不實不盡卽手批該司嚴飭後任訊辦並將該州朱牧記大過二次前批甫經發行旋於是日酉刻又接到該州詳報竊案一起反覆披閱不覺駭汗驚疑不知是該州之夢囈耶抑本部堂之迷眩耶所有前後兩詳情節臚示左方

四月二十日出詳日期同按詳稱十八九二十等日始據緝役獲犯到案不知何以

二十日即能錄供出詳且連出兩詳官之勤敏吏之捷速令人佩服

事主錢熊氏姓氏同竊案內有幼子而無婆婆劫案內有婆婆而無幼子

失事係四月初一日三更兩詳同事主於四月初五呈報兩詳亦同

事主住處竊案無地名劫案稱順化里小河邊

事主房屋正房三間兩詳同劫案內有廂房二間錢熊氏臥室在廂房竊案內無

廂房錢熊氏又在正房左間為臥室

失賊有三十餘件係兩冊皆同者有四種贓物件數不符有四件劫案有而竊案無其估價值銀則無一符者

任意增刪捏造可知兩冊現均發閱

吳文節公遺集卷六十三

獲案日期劫案稱係四月十八九二十等日竊案亦稱係十八九等日

上盜人數竊案則稱四人劫案則稱七人

獲盜名數劫案則已獲四名竊案則已獲二名

盜犯首從劫案則係金老天為首竊案則係李兩保即羅老五為首

盜犯姓名劫案則已獲者金老天李兩保即羅老五李二王直手桿未獲者獮保雷老五安老三竊案則已獲者亦係李兩保即羅老五金老天二名刪卻

李二王直手桿二名未獲者亦係獮保雷老五二名刪卻安老

三一名

起獲盜贓劫案則稱係於金老天名下起獲銅水烟袋一枝銅鍋一口竊案則稱係於李兩保名下

起獲銅水烟袋一枝銅鍋一口所起之贓同而從起之人又不符

以上情節事主姓氏同上盜日期時刻同失贓物件大

同盜犯姓名同起獲盜賊同其不同者則隨手混認也  
如以爲係兩事耶何以同日同時竟有兩錢熊氏家一  
齊被盜耶何以兩錢熊氏家所失之物竟十同八九耶  
且何以同日同時該盜犯竟有分身法能迭次劫竊兩  
家而兩家又適同姓氏耶此宇宙間斷無之事也如以  
爲係一事耶何以忽然報劫忽然報竊犯則或多或少  
首從則或彼或此情同兒戲幻等鬼魅不料黔中吏治  
之不堪至於如此本部堂遇案每斥爲捏飾非憑臆苛  
求也觀於此而益信矣不料朱牧官方之不堪至於如  
此該司等前會詳調署兼三直隸州大缺心以爲能事  
吳文節公遺集 卷六十三 三

也不大誤耶仰貴州按察司卽將發去原詳冊贓冊二  
本悉心細核飛速將此案人犯提省親訊究辦一面會  
同藩司將朱牧專揭指叅慎勿以查明係該州書辦因  
廢稿繕寫重複簽押誤印等無情無理之謊代爲開脫  
儻該司等必欲留此劣員貽誤地方本部堂卽咨會撫  
部院專摺逕叅知之仍候撫部院批示繳

批鎮遠府稟查辦流匪及汎弁楊錫鼇捕賊被戕

等情由

平日全不以編甲齊團之事爲事以致數十名賊匪蹈  
瑕抵間而入戕官殺兵百姓遭殃如入無人之境現稟

猶以被追窮蹙等語代人支飾實堪憤恨仰卽限十日內將此案賊匪全數殲擒淨盡以贖前愆仍候撫部院批示繳

批鎮遠鎮稟賊匪拒捕傷斃官兵親往督辦等情由

據稟賊匪不過數十任是如何猖獗何至我處傷斃把總一員兵丁百姓傷斃尙無確數我處把總楊錫鰲亦帶有兵丁五十名亦攜有烏槍等軍械並有二土司之練協緝何以不能捕獲一名二名賊匪並不能傷斃一名二名賊匪可見並未對敵只是見賊而逃跑得不快

吳文節公遺集

卷六十三

四

因而爲賊打死令人憤恨觀於天柱營都司李春華本營擁有一百數十名兵賊來不過數十乃倉黃失措以兵力單少請添兵會緝稟報該鎮可見各該營平時旣任意空糧自肥又絕不操練臨事則聞賊喪膽專求救於他人此等劣員非嚴叅不可本部堂察核此案情形恐並非外來之匪卽係黔省之頑苗漢奸或勾結三五外匪探知該鎮所轄地方文武均係諸事廢弛故乘間而入恣行殺掠觀於在黎平錦屏鄉一帶並未動手竄入靖州排洞亦未動手突至八弓杉木坳等處始肆行搶掠戕官殺兵如入無人之境以他處有防備而該鎮

所轄地方毫無準備也現在該署鎮既帶兵親往會同鎮遠府督勦撫部院又委員帶經費馳詣協辦卽限該署鎮十日內將此案兇匪全數殲擒淨盡飛馳稟奪無論內匪外匪祇此區區數十名之賊致百姓遭其蹂躪官兵遂有傷亡該署鎮平日之營伍廢弛何所辭咎若再不能迅速勦捕全竣以贖前愆本部堂惟有專摺特叅而已凜之此繳

批鎮遠鎮稟親往追賊及回署日期嚴督捕拏等情由

該署鎮平日諸事因循既不操練弁兵又不講求捕務吳文節公遺集卷六十三

五

以致數十賊人入境卽有戕官殺兵之事事將一月猶然一犯未獲已屬咎無可逭現稟稱親身帶兵督緝又分派弁兵四路探捕乃奔馳數日並未見賊面可見該鎮之所謂親身督緝者不過肩輿出城就附近村鎮安居高坐裝點門面而已其所派弁兵亦不過於無賊處游衍而已探知賊向東卽不敢往東追而謊報賊已向西探知賊向西卽不敢往西追而謊報賊已向東試問賊亦人也豈有賊能到之地而我弁兵不能到賊亦不能飛也豈有賊所至而我弁兵趕不及之理惟其聞賊先逃有心與賊相避以故四路馳探四路不見一賊之

面此等怯懦放蕩不堪之營習該署鎮公然敢形諸稟牘實屬無能無恥已極賊之竄入革夷本部堂早經慮及早經飛檄飭知卽入革夷苗寨亦當窮追勦捕現稟稱旣入苗寨一時驟難就擒懇祈寬限緝捕庶不致別生事端等語直是胡言亂道此語出自備弁之口耶卽當摘頂棍責四十勒令往捕此語出自該鎮之口耶身居專閫自問當得何罪而公然安輿回署大言居中督緝尤屬膽玩之至此案賊匪無論上天入地縱不在該署鎮所轄汎地本部堂惟向該署鎮要人不能獲犯必將該署鎮奏叅遣戍此時姑先以摘頂劾之耳稟切慎吳文節公遺集 卷六十三 六

切此繳

批鎮遠府稟查探賊匪逃逸情形會商兜捕由

撫部院委員齎經費助該府者原期該府竭力辦賊迅速獲犯也乃該府轉託言商辦借此回署安享豈此案竟如此結局耶諉之委員該府可以卸責耶昏謬極矣至天柱縣無故擅離職守亦不揭叅任其逗遛省垣不之過問吳葆元家被劫如何情形會否傷人茫然不知賊經黎平練勇代獲一犯正可從此跟追夥黨究有多少何人爲首是否從粵西竄來黔省內匪如何勾結急須逐一訊明一面按供布置追捕一面飛稟方是乃一

切置若罔聞意者尙欲俟天柱縣從容回衙從容訊供俟劣幕從容做供辦案上詳而該府從容一照轉了事此種迂滯貽誤之處直令人焦急欲死且計該府發此稟之日距出案業已經旬據稱探役稟報不一而足實在賊在何處賊黨究有若干並無切實之語一任兵役等指東話西捉風捕影欺誑該府該府亦遂一籌莫展回署靜候看來此案該府竟不能了奈何奈何仰貴州按察司飛速移知貴東道卽日迎探賊蹤所在卽日全數弋獲飛羽稟報以便察核分別叅辦濡筆以待萬勿刻延仍錄批報明撫部院並候批示繳

吳文節公遺集

卷六十三

七

批綏陽縣詳縣差祝玉潰向張潮梁索詐得贓由此案無端磕詐正與棍徒擾害一時一事情兇勢惡之例相符官差例應加等應卽遵照刑部通行新章發黑龍江等處當差慎毋誤引蠹役詐贓計贓科罪也仰貴州按察司速飭遵批研訊詳辦勿延仍錄批報明撫部院並候批示繳

批卽岱廳詳謝添恩家被乞丐七人強討不遂擄去銀物由

天下有七人結夥行乞者乎庸官陋幕之捏飾做案可謂愈出愈奇不知將來獲犯到案果可以乞丐爲之量

滅耶抑竟以乞丐遂不作劫盜開叅耶看來該署丞意中先存一並非盜劫之案可以不必拏犯故一月以來一犯不獲恬不知恥也仰貴州按察司嚴行申斥並勒限一個月務將此案贓盜全數弋獲從嚴懲辦毋使一名漏網儻逾限不獲致盜逸贓消卽由司嚴揭請叅毋稍徇延仍錄批報明撫部院並候批示繳

批銅仁縣詳田老三故殺舒倫來身死由

此案死者年僅十四歲據該縣驗訊係因借錢起釁本屬不確且究竟六百錢歸於何所詳內並不交代如果錢爲田老三拏去恐此案卽係欺侮幼孩圖財害命否

吳文節公遺集

卷六十三

八

則亦係搶奪殺人該縣於此等緊要關鍵置之不問可謂庸才如果實係借錢不遂死者縱有詈罵之詞兇犯亦必自知理曲亦必心計十四歲幼孩萬無告官之事何至讎深恨重逞兇故殺則情與罪又不相符總之案不核實則殺人活人均無一是處至詳內所敘犯供稱死者喊說要去控官究治並辱及父母等語皆劣幕抄襲故殺舊案陋套非真供不足憑也仰貴州按察司速飭該縣悉心研訊體察案情錄取實供另詳核辦儻敢迴護支吾本部堂亦必能察照亦仍駁斥不准也切切

仍錄批報明撫部院並候批示繳格結存

批羅斛州判詳殷興仁被周老喜等戳傷身死由火藥之性均係向上向外直行一發無餘無論烏槍竹銃從未聞有遺火延燒之事此案殺人放火擄捉生人情節綦重或讎或盜或因讎而盜必有起釁釁由該州判一概抹匿混以打雀遺火口角爭毆致傷身死捏釁做案膽玩具詳實屬喪心病狂不堪已極仰貴州按察司先將該州判記大過二十次會同藩司註冊飛飭定番州將此案釁由查訊明確另行詳報察奪一面嚴飭該州追查殷遠序生死蹤跡下落多派幹役勒限嚴拏兇盜周老喜等務獲解省訊辦不准絲毫縱延其該州吳文節公遺集卷六十三

九

判應如何叅懲之處卽由該司等隨案議詳核辦可也仍錄批報明撫部院並候批示繳格結存

批羅斛州判詳周老喜挾讎糾同田老宗等將殷興仁銃傷被周長受砍傷身死由

此案前據該州判捏釁做案經本部堂批飭將該州判記大過二十次另行詳報察奪原冀該州判悔懼知非從實具詳從速獲犯詎閱今半年之久仍是一犯未獲釁由略爲更正而下手致傷致死情節仍是一派胡言卽如殷興仁係年逾八十老人被銃傷七處銃子深陷入內其爲死於銃傷無疑其爲因銃傷立卽倒地斃命

無疑至刀傷四處所有致命二傷均屬輕減不致命二傷亦不甚深重其爲此四傷均在未被銃傷之先無疑乃該州判反混說殷興仁被銃傷後猶能跑回進屋追被周長受刀砍左肩甲始行倒地云云揣該州判之意不過欲強作死由於刃且做出混罵撞頭等謊詞豫爲鬪殺入緩張本將放銃故殺之兇犯有意出其死罪冀將來可照火器傷人擬軍了事又將放火一層抹匿不提在該州判自謂如此殺人放火巨案竟可始終不戮一人可稱絕妙手筆可積無限陰功而不料其詞之支而悖也且該州判必自謂此係屍親之供非我所做也吳文節公遺集卷六十三

十

殊不知該州判初詳之支捏現在既可無情無理諉爲屍親氣忿捏報則現在之供必係該州判代爲做出可知總之此等庸惡陋劣不堪化誨之佐雜斷不容再任其一日臨民仰貴州按察司速卽會同布政司將該州判撤叅一面委員摘印接署一面飛飭定番州查案更正另詳並飭勒限嚴拏本案各逃兇周老喜等暨前案傷斃云妹之殷遠序一併全數獲案分別究擬分案詳辦萬勿再稍玩延仍錄批報明撫部院並候批示繳格結存附詳擲還不閱

札貴西道提訊羅添明控案由

爲札飭訊究事照得十一月初八日據遵義府桐梓縣  
民人羅添明同抱告子羅光廷控稱緣羅光廷於上年  
春間娶張姓之女晚姑爲妻成婚兩月卽生一子因控  
告姦情涉訟經張姓將女領回銷息嗣於九月間張姓  
又將晚姑送回羅家復經控縣控府而縣丁書差遂串  
同磕詐多贓案仍不辦反將原告久押不釋控經前任  
貴州撫部院批府提訊府不救屈畝寃詳銷等語當查  
控情恟恍批飭遵義府錄案詳奪迄今尙未據詳到茲  
又據羅添明之子羅光宗斷指攔輿投遞血呈控稱伊  
父因告姦案疊遭毆磕控蒙撫憲批府限審而府不嚴

吳文節公遺集

卷六十三

十一

提縣不送卷將伊父久卡拷磕迨本年九月控蒙臬憲  
批示始知縣尊藉故捏詳以伊父橫行鄉曲有大五名  
目詳辦鎖繫鐵桿伊父雖在縣卡並未鎖繫鐵桿是官  
場中以紙棺埋民種種畝寃等語續呈到本部堂查遵  
義府屬固多逞刁健訟之風而貴西各屬書差之兇惡  
磕詐有甚於虎狼者此案並非難辦之案何以該府縣  
並不確訊究結混行詳銷其如何詳銷之處本部堂亦  
無從稽核但該縣於羅添明涉訟之後詳辦大五名目  
鎖繫鐵桿其爲門丁書差串詐不遂本案又無罪可辦  
故以大五名目聳官朦詳名爲鎖繫鐵桿並不鎖繫而

該府該縣亦闖茸昏黷如影戲偶人隨人提撥此事之必然者也其原控姦產兇毆擄搶各情固當分別虛實確訊擬斷其吏治之不堪門丁書差之酷詐尤應嚴切根究嚴叅痛懲合亟札飭爲此札仰該道立即提齊全案人證卷宗並被控門丁書差在官人役不准一名不到親行研審務期水落石出逐一據實究擬詳奪該道素負民望且甫經來黔無所用其迴護慎勿蹈一切瞻徇顛頂消弭陋習亦不必另再委員承審致滋藉口本部堂有厚期焉慎之勉之特札

批麻陽縣張吳氏呈

吳文節公遺集

卷六十三

十三

四十餘歲之老婦豈能再嫁所有被子捆嫁之事斷無此理必無其事其中顯有別情恐係張吳氏母族唆串張吳氏不恤異腹之子恣意逼索不遂所欲架詞聳聽耳至張吳氏究係張光昫之妾抑係繼妻尤爲案中緊要關鍵必須究明仰署沅州府立即親提人證卷宗限半箇月研切說明確情究追有無唆串棍匪分別虛實錄供詳奪不准逾違限期儻原告避匿不到卽照例將案詳銷不准混留差票縱令蟠索是爲至要再此呈並無副呈仰卽隨詳附繳

批麻陽縣張希理呈

所呈多不近情理且插入不干已事本不應准理惟既  
牽涉張吳氏之案恐張希理卽係包訟之棍匪仰署沅  
州府一併提案嚴切訊明實究虛坐錄供詳奪原呈仍  
繳

10272

吳文節公遺集

卷六十三

三

